

ALL NATIONS GOSPEL PUBLISHERS



www.angp-hb.co.za



info@angp.co.za

BAMOUN

LAMNTÙ MÙN

NGANGA

Léénemi Yiéne yi matù Ntùm

(Ngâ -tù Lérewa Nyinyi yî pua' ron yùe i nzâne mi pùen ne “**Yu Yiéne**” yùe mùn me njùen i ne li na, i kâshe “**foto ghom**”, pùen pe njùene, nki're, ñére mi yua i ntôshe na, a rên mi map pokéri!...)

Copyright ANGAP

COPYRIGHT

ISBN 0 947052 01 1

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(Une Mission de littérature évangélique financée de dons)

(Reg. No. 1961/001798/08)

LAMNTÙ ÒN (MBE) NDA NYINYI NGANGA NDA FA' SATAN

(1 Yohané 3:4-10)

Yire yí ndi' mo' po nda-lérewa mfé. A ka pi tét ntum ma Frènsi, a shèt ngâ yu pêtnkùt lum ndia'shi, mbi ka pe ñere mbe mâ nga rayé ne nkwet nkam nkam ñuñue (pùen). A pua' léenemi Yiéne yùe yam mùn ka pe yùen mi map ntùm, pe yétne yinjùen nkù mbe map yi yiéne nguengùe yiéka Nyinyi ne Tu-nwere i té mbi pe njùen na. Pùen pùe pe ka pe yanke yire yí lérewa pe pumme nzí ndâ ndâ lamntù yap yi ghét nga-mbükér a, pe pua' rèni tütùn, ñere, pe pua' püt ntù yap, pe kuot lamntù mfé ne Yiéne mfé.

Pù mbe pe njanke yire yí nda-lérewa, pù kùmshe mi a pua' léenemi yùe pù yétne yinjùen ñwer ùn ntùm ne tu-ñwer ùn a. Mùn yié mbe me pùn mbô ngâ-shi', yi Nyinyi, ké mùn-Kristo, ké ngâ, nsiéne, ké ngátashe nga Kristo, mbém mo' yu ndun i, mbu a kam na, mùn na kù pu' yùen mfù'i ntùm nkùka Nyinyi té njèn na. A pua' me yi Nyinyi, i mâ nsue i ra' ntùme kam ne nshie mùn. I na mbi pe nki matù lamntù mùn.

Satan pua' titâ mbé, mô-mfon njem, mbit mbe nyinyi tù yí njù. I kâ mbi pe njemshe ñwer i me (mbùt njie) angél ràne, na i pi pe ndi' mo' angél ràne yié yam mùn kâ nkù ngupme na, mbit ngù' yimbe njab i me mâ yum, a pi pe ñere, pe pi té nkù ndét mfù'i po nkùka i kù mbe na. Yié a mbe, lo' ngopshe ndi' ntue méé ñâñâ tù yupue fù' yí na (liénjà shí na), rèni yié ghâ-ntum Kristo pua' ñùrùt. Yire yùe ndi' mo' yu pùeme, mbama Satan ne tu-ñwer i mbi pe njemshe ñwer i me angél ràne na (2 Pakorinto 11:13,14). Satan, nyinyi, tù yí lum njù njéé, wi yùe i mfù mi pèn, mbit mfù ràne shap, ñere mi pe ma yétne yinjùen lù're nzènkét Ntum-Lùte gbìme

Kristo ... (2 Pakorinto 4:4). Ngu ghâ-ghét ngambükét mentén pua ngu ghâ-siét (ghâ-li ngam) mentén kpa' mkpükét mbit mbe fùmi mesù Nyinyi mbéere nküka njù yî nnyî na, mbéere mô-mfon nkükét ghânjù yi yiéne yùe a té nùne pon-shâ-nshut ñâñâ na (Paéfésó 2:1-2). A pe ndi' yùe mi map njúp pe yùen nté map tù vùe na, mbu pe na nkù nnyî nténe mbumme ma'fom yi nkake. Mùn ùe i nzie mi ngambükét ndi' ndun i na, ngéé na mfúte ñwer i ne tu-ñwer i.

Pù pe njanke shî ya'fu lérewa mbit nki're foto shùe a pua' ntùm a, mbu pù na yétne yinjùen ndâ lamntù yùn ntùm. Pù ma nèn râne Nyinyi ne yi ndét ndâ ndâ mbe lamntù yùn ne pùn. Pe-nùn nji ghérapù shùn, shi' pe nsiét mi a mâ njét'n'i yimbe, mengaka shükét Nyinyi na nzie ne pue mi: "a-pe-yùe pue mbe nzie mi ngambükét ndi' ndun pue na, mbu pue na mfúte ñwer upue ne tu-ñwer upue, ngambékét pit mbe ndi' matù pue nkéé na." A-pe-yùe ntôshe ghérapù shupue na, mbu a pua' yét'n'i mbit mbe ténî ne yindâne mfa ne pue, mbit nzânewupue ne nshie wup (1 Yohané 1:8-10). "Nshi Yésu Kristo Mon Nyinyi na nzâne wupue ne ngu mbüket mentén." (1 Yohané 1:7). Ké u nju' nshut Satan e, ké u nju' nshut Nyinyi, mbu u pua' mkpèn mbükét nganga nshînda Nyinyi. A-pe-yùe mbüket mbî nshâre wi wume shu na, u ma na pe ntashe; a wu' mbû yùe u nkù ne Nyinyi, wi yùe i nkù nzé ngén ne yi mfa shu-ne-tu n'u, mbi ya' ndun Yésu Kristo yùe i ka tue tù njù yî, wume pükét pùen, ne yi nyé're kù yùe Satan ghét ndun pue meshi' mbükér a. I pua' ngâ-yinshu' wupue. U téne na mesù Nyinyi Nzènkét, yùe i njùen ngu nsheme mentén, ngu wupme pua ngu nkùtnga ndùm-she yi wume shu na. A pua' ghapkéri n'u ne yi nkap mesù Nyinyi, shi' u mbi pit njétne yinduem nkùtnga shu nkéé n'l, mengaka pefa mùn ùe i ka ghét tùr a, a pe yire i yié yu'i yum e? Ké mùn ùe i ka fù'she li na, pefa i yié pe njüenn'i ne? "Mengaka Yawé na nkit mi mi ndun ngu nsie mentén, mbe nto'she ngu pùen mentén ùe ntù yap pua' ndun I nsabe na." (2 Kronika 16:9).

"Mengaka Nyinyi na njèn nkùtnga ngu pùen mentén a. I na nkit mi mi ndun nyî nshie mùn. Mo' li' njem ndi', shi' nshie

lùlùre wù mbit mbe ñùrùt, ña yùe pùen pùe pe ngét ngam-bükér a, pefa pe yétne yi nkap ma.” (Yob 34:21-22).

“Na, Yésu, ka pe ntap nsue i ntù i ndun pue, mengaka i ka pi yi wap mentén a.” (Yohane 2:24).

Mbe shi' tue: “Rayé mún ùe pe vùe ghérapü shi, ndâne mbükér i na. Rayé mún ùe Yawé ntap nsish'i ghérapü shi, nga-mfùte pî pe ndi' matù lamntù ngéé na.” (Youpnké 32:1-2); (Uyopnké 51).

Yésu na mbit mfû wupue mo'nkéé ndia' shî. “Yâ-nùn nshir a, ngu yùn mentén ùe pù kènkét mbi kiémshe yum a, n'gét pù gbùne ñwer ùn.” (Matéo 11:28-30).

J.R. Gschwend.

NTÔSHE FOTO

PUM FOTO

Yî foto na ndét po mfù' lamntù memgbie, ké yi membâ, yùe pe mâ mvî wi mvé mfé na, yùe i ka' mbin kùnyâ tù njù na, yùe Lérewa Nzènkét mfû ne pükét mún a, a tôshe na mi mún ùe a té nshâre yiéne yî njù ngéé pua ghù', ne ndapkét njap-ñwer a. Yire yi pua' pumme foto lamntùm mfù'ka Nyinyi té njüen na. Pô-mi ngùe'két mbit mbe nyü'shî na ndét vùm-nzu', yié pe ka rie tù (nda-lérewa) Nsapngam 23:29-33 na, mi: “A pua' meshi' pùen pùe pe nzie menga shap mi: “Yoi!” pùen pe nzie menga shap mi: “Ngùri!” pùen pùe mkpùne pua' yu yab a. A ndi' pùen pùe sa' pua fu kurab a? A ndi' pùen pùe pe ndüem shi' tu i na? A ndi'mi map mbâ yié ghùe'mù na? A pua' meshi'pùen pùe pe mbé lâmen gù nzu' na. A pua' meshi' pùen pùe pe nguon nju'she nzu' yùe pembe ñamshe na. Ma yùen nzu' yié a mbâ ñêre pokéri yié kùe na, yié a ndù're matù mekùp yiéka ndù na, pa yié a mbîshe (pokéri) fùesh'i ñêre na. A mbe lo' líne, i



1. LAMNTÙ PÜKÉT MÙN

num yíe nue, nganga i shi' nta ta yíe kamta. A pe pe ñêre, mi mu shi' njap pô ndun ghùn pemgbie, ñêre lamntù u yíe me rie shùkét mfùekét.”

A pua' pe tù yí foto, mansie tù njem tu mùn, pù njùn lamntù mùn, yùe a yíe li'la' ntuet ntuet penyam ùe pe yapshe wap ñêre me ndù tu nkwet ghérapü na, mbama lamntùm pua' ndap, mbit mbe li' shu ghérapü shupue na. Nyinyi ka rie ne pue me nshut profét Yérémia mi: “Lamntùm pua' ñuete-ñuete shi tù ngu yum mentén, mbit mbe shùekéri; a yétne wue yi njí i nto're?” (Yérémia 17:9). Yésu ne tu-ñwer i na mbit mbééshe yire yi ngam ne yi nzie mi: “Mengaka wupme mbükét, kâm, ghên, nsap, nza', ghù' nkap, pü-ntùm, ùfme, nküt-nga mbükét, yùenne kùghùe, ntunte, siépshe-ñwet, shù're na ndo' ma ntùm a, a na ntum me ntù pùen a. Yíre yi ngu ngambükét mentén kâ ntum pô tù ntù mùn, mbùb í.” (Marko 7:21-23).

1. Le Paon: Mesí ntâm-shét, yùe nguon i pua' ne mfüt nkwen i tütùn, mbe pokéri, takét-takét yíe yi sîngâ na.

Yíe nshie kâ nkù ngùe'she pù mesí yùe pe mfù ne “paon” na, ña yí tù lamntù mùn, i na ndét po mfù' mbükét, siépshe-nwet. Lucifer, angél ngâ-tùe'she, yùe lo' fom-shin, i pe ngâ-kiém râne Nyinyi, mbe angél Nyinyi na, ka gbù meshi' siépshe-ñwet, ñêre njie ngâ-kùpèn Nyinyi: **Satan** (Yésaya 14:9-17; Ezékiel 28:12-17).

Siépshe-ñwet na ndo' lo' matù nshùmékét li' mû, mbe ndét ñwer i tù nkù ntuet ti rèni. Yam pùen na nsiépshe ñwet na nkap map, shimo' nsiépshe meshi' kâ pe ka kù wap pokéri na, nganga meshi' nap-nwet rèn-mi yùe a mbi pe ntumkére, ñêre mi pe pe nja' ntùm njâne ñwer ap, shi' ghét rét tu meyêr a. Shimo' na nshùmme ne yimbe mgbîe pa-ndù're ndù're, ntùne, pesù, etc. ... ngüengüe yíe pe ka rie tù (Yésaya 3:17-24) na. Shimo' na mbi pe ndét ñwer ap ndia' shí pô ne gbîme pa mbembam shap, nganga riémshe ngu yùe pe pua' pa ntùm a, shimo' nsiépshe ñwet mbéere yuyié're shap, ghâ-pe ndét nwet meshi' ntüetne nküntêt, yùe pe ka

yié're na, ndâne mi: “Nyinyi na nasiét ghâ-siépshe-ñwet, na mbûntùm ne fûeshe pûen.” (1 Pétro 5:5). Nyinyi kê mbèn siépshe-ñwet ne kù-tu. (Nsapngam 8:13).

“Kùtu nâ mvé sù ne ma' fom, siépshe-ñwet mvé sù gbù.” (Nsapngam 16:18).

2. Mefuot: Menyam ndü'két, ngùe'she pe ndun i mi kpuñ. I pua' ña yî mbî ndét po mfû' ngùe'she njap-ñwet, tabe ngam (tu mûn-njankùem), ghù' (shit memgbie) nza'. Shire shi ngambükét, na nguon nkusù tû yî fû' rên-mi yùe pue pua' ntùm a, yùe a pua' ndîne fû' na, tû nkü mbasé'é yùe a yé'tne yingét pue rûme ngambékét shükét Yésu yùe i ka pi tét mbe nzie nkusù, a shi'a meyêt a pe (a wuon) pêt nkam lum a, mi: “ndîne fû' na tue po yîé fû' Sodom po Gomora...”

Yire yi “Yiéne mfé” na mbi mâ nsem i po ndu pembâ pua pemgbie a li, na a na mbit nyî nkéé tû nda pûen Nyinyi, tû puomshe-puomshe yié're yum, tû nda-lérewa shupue pua' mbùm - pe yuyié're ghâ-lérewa, mbé, yire yi nso' mbùbe, pe pé na wi ma tû lamntù pûen, tû mo' nkü ntuer ùe mma'shi ndi' na, ne râne Satan yi nkükét, mbi ya' tû mânjé “cinéma”, ntùetne (théâtre), manjé yié're ntuet ngam ùe a pua' fupsh'i na, ne shimo' rên nkü manjé. Nêre, yua Nyinyi mfû ne mbükér a, a ndi' mo' mféé-mvù' yum nshêt yua pe mfû ne “rên-mi mfé” na. Nkwet-nkwet nshü'pifon mbu'pûen na nja' wume shap me yi nsue ntù yap me yanke nda-lérewa shùe pe mfû ne “roman” na, pua yimbe njûen foto (ngû-mbùpndap), nêre yire ngu yum mentén nguon ndishe ne pue tû rét tu pua ndam ndam ngam. Ghâ-pu' lû, ké ghâ-tù ntâ, pi pemgbie pua pi pembâ, yùe pe té ngum wume pùbe ngam a, ndâ yu shi' gham - a pua' pue lum-pembâ pua lum-pemgbie me mfû njamùn. Nda-pin na nkuome mbe nkéé nkü mbo li' tabe ngam. Lum-pûen shi' wup, tû nküka Nyinyi te ntùpshe wab a, pe ntap mbit mbie'i mo' mfû' ndun pue (Yoséf -Genèse 39 ne shimo' li' lérewa). Kinte rênkét zulu yu ña'kukû ngâ-shi' yi Nyinyi yùe i ntap nsù'sh'i yi ño' membâ ké mengbie yùe i mbi fup nza' na, yé'tne lét ngam tû mbit wù shupue yùe pe mfû ne rên-mi na, ndo' ntue mbit mgba'

wupue ne sa' ne liénjù lí-sa'. Nyinyi na ntap nzie i ne pue mi pue pe nkam pua wupme mbükét, na i na nzie po mi pue pe ndùe'i lùe' (pue pe nté i téé).

“Pù ntap nji yùn mi mùn ùe i nzèt ndun Tita na pua' pô-ni mbe ndí Yiéne? Pe-nùn ntéé wupme mbükét. Mo' fûre ngambükér ùe mùn mbi yéte yingét na, yire mbükét pua' yùe a ndi' mkpo' mkpo' shi ndun ñwer a, na mùn ùe i mfa ñwer i ne wupme-mbükér a, na mfupshe ngam mfa ndun ndâ ndâ tu-ñwer i. Pù ntap nji yùn mi ñwer ùn pua' Tempél Yiéna Nzènkér ùe a pua' ma tù pùn, yùe pù ka kuot lo' pue Nyinyi, ñère pù yié ndi' yùn yi tu-ñwer ùn a? (1 Pakorinto 6:18-19). A-pe-yùe mùn mbùbe Nda Nyinyi na, mbu Nyinyi na tue pùb'î nkéé, mengaka Nda Nyinyi pua' rènkéri, a pì pe pùn a.” (1 Pakorinto 3:17).

3. Kùpu': na ndét po mbükét vùm-nzu' pua kùre njù. A pua' menyam minkét, yùe i njù ngu yum mentén ùe i nkwele ña yùe i nja' na, ké a rènkéri nganga minkéri. A pua' ngùengùe yié lamntù mbükét mkpa' nkùre nshie me mgbî-ngam, nshie me tùt-ngam, ngu kukum ntuet ngam ùe a ka ya' na, pua ngu ntuet foto minkét mentén a. Nwet mùn ùe pe ka ghét mi a pe po Nda Nyinyi ngumkér a, pe mine na ne payù minkét, shu'két ntuet-ngam yié yinséé nganga yinkwet ndapa', yi nnue “bindi” nganga yimbe njù ndù ké mvop-fu yùe a pua' yié li' na. Wupme séé ndapa' ka sam ndun pembâ pua pemgbie nshèt yié a mbe nkusù na. Kù Nyinyi wi-yi'she ka' njétne yire yinshu' pùen pùe pe yi wù tù nga séé ndapa' mbit mbe kpén Satan a. Mbe shi' tue, pùen Nyinyi (me nkù yap) me ngér ap me yite wupme séé ndapa' tù Nda Nyinyi, yua a pua' me mi map mbi pe fupsh'i na, ñère pe mâ ngér ap mekét fône yimine ndâ ñwer ap, yùe a pua' pumme Nda Nyinyi na. “Pù ntap nji yùn mi ñwer ùn pua' nda Yiéne Nzènkér e?... ñère a-pe-yùe mùn mine ñwer i na, Nyinyi lo' ntue mbùb'î nkéé ne? (1 Pakorinto 3:16-17; 16:18-19). Nshie mùn ùe i pua' mgâ-kùre njù na, i ndi' pô Nyinyi ne ndap. Pue na ntap ngum'upue po meshi' yimbe njù pam. Mùn ùe njié mbi yéé na, i yétne yi njùt me pe njù payù nzènkét, na ntuet kâ nshur i nkù mbe mbishe yuyù shi' tùn ndùri na pua'

yùe a mvé yùe i mbe nzie ngu fù' mentén mi: "Fa, fa-nùn mo'", nganga "mo'nkéé, mo'nkéé" na.

Ngùe'she me mie i (a me njétn'i, a me ntùn'i mo' ndùri), a me njùr i mo'. A pua' tù Kum-Kên, pe ka lí mi: pe pe ntam-she ngâ-kùre njù (ngâmé mum) pô ngâ-vùm nzu' ne ngue, ññò'she wap (Deutéronome 21:18-21). Mengaka ngâ-vùm nzu' po yù-kù yút na mbù're tûtùn, pù're tûtùn pî ngét mùn nshi' mgbié ntâm ndap ... Mùn ùe i nyi yi po pua râmker ghâ-vùm nzu' pua yùkét pùen a, ngéé kâ nsue rét tu metu tit'ap (Nsapngam 23:21; 28:7). Pe nkùmshe mi mo' ngâ-yum, ngâ-kùre njù, mkpèn ngùe'she shi ka kpù, a pua' lo' i pi' mi mi matù li' mû, ngùe' pi gha'mbue mi shètndù! A pua' gham-kéri tù shèt-ngam ne yi ntanke ngùe' yùe vùm-nzu' mvé na. Pe na mbi pe nshùkét mén po me fùr i yire ñâ. Nyinyi na nzie ne pue rênkéri tù shùkét ti mi nshie ngâ-vùm nzu' tap ntue yù i Nga-fon ti. Pùen pùe pe té mbi pe mfù'she yunue nkùkét nkùkér a, ka' nkù mbe ghâ-gbù sa' nka-pue nguengùe yé pùen pùe pe mbi pe mfi shire yunue na, mengaka Nyinyi ka rie mi: "Pùtu pùen pùe pe ghét ténntùm yimbe nue nzu' na, mbit ngét ténntùm yimbe namshe yunue nkùkét nkùkér a." (Yésaya 5:22). "Pùtu mùn ùe i ngét môm ap nnue yum a, pùtu u, wu yùe u mbíshe meka' ngub u, mvùm'î na." (Habakuk 2:15). "Lù, nyénnyén ne lù-kù', ndam nganga ntâ ké ndù ne nzu', na mbi pe ndumshe nkwer ap, na pe ntap mbit nyéte yap mo' fa' Yawé." (Yésaya 5:12).

"Pú ma pe mfùte ñwer ùn. Ghâ-siéne yukuome, ghâ-nza', puotkét pùen ghâ-pùbe pôm ap, pa ghèn, ghâ-ngùe'she, ghâ-vùm nzu', ghâ-nshùe'she, ghâ-shùme pôm ap mma' fom ap tap ndo' tue nyí yap tù Ngâ-fon Nyinyi." (1 Pakorinto 6:9-10). Mbùkét njù mansie shupue na ndét ñwer i rênkéri yé a pua' tù Pagalatia 5:19-21 na. Nère fa' njapñwet pua' yùenni'i, a pua' pùbe ngam, wup, ma'fom, siéne yukuome, ghét sèt, kùpèn, ta'sa', kùghùe, shùe, mkpùne, shié-wâ, nsènte, yùenne kùghùe', vùm-nzu', yù-kù-yùt ne shimo' yua a pit nkù mbe nguengùe na. Pùen pùe pe ngét ngâ shire shi ngam a, pe tap ndo' tue nyí yap tù Nga-fon Nyinyi. Pù ma pe mvùme ñwer ùn ne nzu': a pua' yu yùre mùn. Tù mo'

mgbéé, pe-nùn runkéri ne Yiéne.” (Paéfésó 5:18).

Yí pua’ mfû yùe Yésu nshíéshe ne pùen pùe ntù yap mbi yum ma: “A-pe-yùe ntù mùn mbi yum ma, a pù ngéé tue nshir a, nnue yum!” Ngu yùn mentén ùe ntù yùn yum ma, yâ-nùn mféé-nké, pa mbù mùn ùe i mâ ngér i mbùm a! Yâ-nùn, njun-nùn nzu’ pua mbùn-na’, shi mbùm, shi’ fa nshie yum!” (Yésaya 55:1). “A nue mùn nké yùe a fa me n’i na, ntù ngéé yíé kù njum i mo’, nké yire yùe m’fa n’i na, a shi’ mbùt njie po sa’nsie matù ntù i, nshi’ nkù nzùete rùete ma ntùm, mméé fù’ wume nkake.” (Yohané 4:14).

4. Kimangâ na ndét ngâ-kùmbue, ngâ-fa ka’. Yua pue pe mbi yétne yí ngét ndia’shî na, pue pi’ njap ne yitnjù, i na mbit ndét rùm (sét). Nga lingam pua’ mbükét rùm. Yua kùmbue nzon na, na ño’i ño’, mengaka mbue mi na ngùe’ne fa’fa’ (ghét yum a) na. Ngu liénjù pua’ yùe i mbi pe ngét wupme ta’ yum rèni na (Nsapngam 21:25-26). Yosua ka rie ne pon Paisraël mi: “Pù ma ghét kùmbue kuot ngu a yíé yùn.” Njù mùyùtu pua’ fûr’i tûtùn me ta’ yu Nyinyi (mânjé Nyinyi). Yésu ka rie mi: “Ma’-nùn si’ nsuot po tù nshutnda vùe a pua’ me pamsh’i na, nnyí.” (Lukas 13:24). “Mùn ùe i ta’ na, i fonte.” Nga-fon nku tù pût yíé yí kù; a na nshi’ nkuot pa lélé.” (Matéo 11:12).

Nga kùmbue mfa mfe ndun wume pua nshumbôkét yiéne yí ñuñue shupue na mbi pe nshâre mùn po tù vùe (mânjé vùe). A na mbi pe nèn upue ne lôn Nyinyi, ne ta’ yu Nyinyi yùe a pua’ shùmkéri yíéka kùe na; nga kùmbue na nkuot mânjé ma’ fom. Fù’ka Nyinyi nshükét n’u, mi u rùme (u nyéte) mfa lamntù u n’i ndia’shî na, Satan nzie yí n’u po mi: u tâ, ngét yire ngam po fomnjù, nganga mo’ liénjù nduni yùe fône tô na, yire liénjù pe ñère mbe yùe a tap ndo’ tân’i na. Ñère u kpù shi’ yétne yingume, shi’ Kristo mbe pue u. Nyinyi mi: “Ndia’shî, a-pe-yùe pù nju’ ngi i na, pù ma na kpèn ne lamntù shùn....” (Pahéber 3:7-8). Pefa pe sishe pùen pùe pe tét mvùe menga ka’, menga pi’ yua a pe mbi pù mi pe ghét nsie-nsie na, njap ne mo’ liénjù yùe a pua’ ghapkéri na. Fomnjù ndi’ yu.

Pon pa manskie matù nyit Afrika (a pua' mi: ma mgbâ nkum-mbù) na nkuome mbie' ngup kimangâ me yu ro'rùm shap (yu ghét sèt tap). A pua' pe tù foto shupue, kimangâ pe metu mbükét ro'rùm, pakâ a mbe nga suentùm tù nga sèt, ké mbù ngâ-yimbe ngét sêr ire, nganga yimbe nzie pökét nga-fomnjù... fù'ka a pe mbi pû mi mùn sue ntù i po ndun Nyinyi ngumkér a. Mentén fù' yâ pua fù' mkpa'ne, fù' kùpít nganga fù' pù're, Shükét na mbi pe nzie ne pue mi: pue pe nkù mfù Nyinyi ngumkét, wi yùe i mbiep yingam upue po ne ndüere tütùn a, na pue ma pe nsue ntù yupue ndun rayé ké pütu, "mengaka Nyinyi na njapshe mbin nkut pékét mùn me nté mi na." (Yuopnké 37:23).

"Yawé na ngét nkut mùn nkù, manjé ngéé ndùm i", A gbù wi, i yié rüem i... Mengaka nga lí sa' ntap ndu'i po lo' me mgbâ ndam-ñom ké mgbâ nsuot-ñom e, ké lo' tù nkuon sùemâ. Na a na ndí Nyinyi ngam. I na ndap mo' mùn mfa manskie, mbi' mo' tù-tù." (Yuopnké 75:7-8). Nyinyi ka fa njétne kên ne pon Paisraël ne shî mi shükét nâ mi: Pe ma yùen'i nshie mùn me fâne yùn, yùe i yétne yingét mon i yi membâ ké yi mengbie ya' tù mû na, pe ma yùen'i nshie mùn ùe fa' shi mbe yi ta' pe nji nga yùe a pua' lüemsh'i na, ké mùn ùe i mbe ntù nyit njù, yi yié a pua' na, ké mùn ùe i mbe nzon yi nga fomnjù na, ké ngâ-ghét sère, ké mfon-ngâme, ké nshie mùn ùe i nguon pishe ngam ne pùen pùe pe ngum pua nkù yiéne, nganga pe nzie pesa'kùe mbokér a, pe ma yùen'i nshie mùn ùe i mbishe ngam ne pakünsie na. Mengaka nshie mùn ùe i ngét shire shi ngam a, ngéé ndi' ne ndap pô Yawé na (Deutéronome 18:10-12). "Mvù, ghâ-fù ngâme, ghâ-nza', pa-nsap ghâ-pém penyinyi ndem ndem ne nshie ngâ-kù ngâ-mbé, nshie ngâ-ghét mbé, pe na tue pe yap nkunjù." (Apocalypse 22:15). "Pù ma na yem ñwer ùn wuo shit pùen pùe pe ntùshe ngam ne pa yiéne na, pù ma wuon ùn nshit pùen pùe pe nkum kañ ap mi pe yi na nga yùe a pua' lüemsh'i na, pù ma pe mbun me yi nta' wap, ma pém pù ka mine ñwer ùn pua pue. M'buaw' Yawé, Nyinyi yùn." (Lévitique 19:31). A-pe-yùe pe nzie ne pùn mi: Pe-nùn nguon nshit pùen pùe pe mbishe ngam ne pakünsie na, pùen pùe pe ntù njéé mbit nkoo ne kù na, pù püt mi: "Pefa

tum nsabe yíe wuon'í nshit pô Nyinyi yab e?" "A pe yire pe mbit mbishe ngam pô ne pakünsie meshi' püen mum mum e? Mfe tù Kên ne kuot ntâ! A-pe-yüe pe mbi mâ nshükéri po nkü ña na, mbu me môre râne tap ntue pù i ne püen." "A-pe-yüe pe mbe ntap nshükér ap nzet po ndun yire yi shükér a, mbu râne tap ntue püi meshi' shap." (Yésaya 8:19-20).

Fù'ka u njanke yire mento' nda-lérewa na, Nyinyi na nshükét n'u mbe mkpènt'u mfa mfe ndun püt-ntùm pua gba' wume shu, na yiéne kimangâ yüe a pua' matù lamntù u na, a mvu' tu u tù nkü manjé rèni ne yüe u nkupshe wupme shu na, mbit mbu' yüe a nzüne lamntù u ne püe na. "Nza shü, sun pa, njù, pe lo' rie meküe meyüe me mbüt ntù a na? Pefa a lo' ngét yiküe meyüe me mbi mâ mbit nguon a pin, nganga yi mbe me mfü nkwet nkwet kâm patù njù na?" Fù'ka a pe mbi pu mi u yüen nkab üe ma'shî ndi', yüe a pua' tù Yésu na, fúeshe shi yi mgbîme, sère shi yüe pefa pe yíe pit nzí rie na, gbîme shi, wume nkake yüe a run ne nshumbokér a, u yüen yu po pashua u ndo' lo' tâ na, yua u yétne yintashe fù'ka u mbi tâ fône ne Kristo mi i tue matù lamntù u na, pa yíe püe püenyütu pua püe wü mbi ghét u yíe mklen Satan... ñère mi i shu' püen püe wü ka vé wap, pe ghütne nda kpén me ngu fù' wume shap mentén a (Pahéber 2:14-15). Yíene yüe a té ntu'u, u mfa ka' me pe lié lié ne yua u pe mbi gbîshe ghét na, a na ngét lamntù u mkpène fù'ka nje nguèngüe yíeka ngup kimangâ na.

5. Ngùe pua' menyam ngâ-kite nshi mbit mbe shükéri. Kùpèn, shùe ne fopshe tùet (ri'ntùm) na nkuome nsa' lamntù mún, ñère a nkuome mbe yüe ngu shire shi ngambükét nkù nguon ndîne ne kite nshi na. U yétne yi mfù' yüe u mimshe ri'ntùm (kùe ntùm) mbit njétne pa ma' ntôn yire wupme méé yíeka mo' liénjù, a pit mvü mgbù mo'nkéeé yíe màkparâ na.

A wu' na mbû yüe u mbém a ghét n'u ñère na, a pe lo' pishe ne Yésu mi i wu' nkuor u me mbue ngâ yire yi lékét lamntùm." "Ñâña, pù ma na na pit mbe nshüe ntùm." (Genèse 45:5). "Tâ shüe-ntùm, ntâ sue mbim; ñwer u ma shüe, mbu a na yíe ngambükét." (Yuopnké 37:8). "Sue mbim pua' yu

mfep, shùentùm pe lù'kéri, na pefa a lo' ntète wue mesù kùghùe'?" (Nsapngam 27:4). Ma punne tù yiéne shu ne yimbe nshùe-ñwet, mengaka shùe-ñwet na nshu ma tù ntù pankùyù na." (Ecclésiaste 7:9). Na ñãñã, gba'-nùn shùentùm, mgbà' kwetne-njap-ñwet. (Pakolosé 3:8).

Pùen rèni pua' ñùrùt yùe pe mfù' yimbuore shùentù yap pô ne ñue yum, nganga ne yém mfob a, na "nzu' mab ire pi pe li' nue. A pua' li' mbükét tütùn yi penkup." (Deutéronome 32:33). Kùnzúnzù na mbe gbùni matù lamntù mbükét, na Nyinyi ka rie mi: a ka' njétne wi rù ngam meshi' shupue. Yésu ka rie mi: "Kù môm èn yié u nkù tu-ñwer u na." Penùn nkù ghâ-kùpèn pùn. Nyinyi ka pém yindâne ghérapù shupue, meyùe pue mbe ndâne yi pùen pùe pe ngét ne pue a mbù nkapue na. Yiéne yùe a pua' sapm'i mbit mbe shùekéri (kpu'n'i) na pua' nkéé mbe ndi' ne ndap po Nyinyi. Rèn tâmshe yu pükét, yùe a nsù pir a, ne yi ngét mi nshi kit na mbe matù lamntù mùn nkéé. Yí pua' tukâ i ndo' tue sue ndâ ndâ fùeshe matù lamntù shupue, meyùe pue mbi kù mi yire fùeshe ghùtne na.

6. Ñue ka fùte Efa ma tù nka' Eden. I ka pùbe pumme gbîme ràre ne ndi-nshut pua Nyinyi. Satan, angél yùe i ka gbù na, ka run ne kùghùe' mfa mfe ndun Adam po Efa fù'ka i ka yùen yié pe nù wap tù ndun nsie, pe ngum ne ndâ lala ràre pua Nyinyi, mbi pie' li'té Lucifer na. Satan ka kù ngét kùghùe', ntâmshe yi mbùbe wap mbit ngét fône yi mbùbe rênkét pökét nshu map ne wume shap pua Nyinyi. Ngâ yire kùghùe' Satan ne ngüengüe mkpa'ne na mbi pe nshu ma tù yam lamntùm, fù'ka shire shi lamntùm njüen yié shimo' ngum ap ne rayé pua gbùne na. "Kùghùe pua' kùkéri mi kpan; yiéka ngu pakünsie." (Cantique des Cantiques 8:6). Kùghùe' na mbi pe nsue wupme mbükét ma tù ntùm mbit mbùbe nshumbokét shimo' pùen; a yétne yi nziémshe nguon méé tù yi nsap. Mbù mentén a pua' yua a nkuome mbe tù yam wume lâm a. Kùghùe' pua' yua a ndète lo' ndun rèn nshumbükét pua kùpèn tù njù paghère pua shi mo' manjé wume na. Mbù ghâ-fa' Nyinyi, ghâ-rie nga Nyinyi ne pa Pasto, pe mâ njab i wap mfemo' tù shire shi mkpítne, ñêre

pe na lo' pe nzé ngén ngu fù' mentén, ñêre mi pe run ne yi-ngam, ma pém fa' Nyinyi shap ka ntabe a pi ghét yiéne Satan yi kùghùe', meyùe a mbi yétne yimbe mi Nyinyi shi' nshumme po mo'ndí merü shínda pi nshèr aba.

7. Tito' kâ njù nsie, mbe shi' pe ña yí i ndét nga yimbe nzu' nga méshe mum mum' "nga ru' moni yùe a pua' ngâ ngu ngambükét mentén a." (1 Timotéo 6:10). A pua' ma Congo, pe yétne yinjùen mo'nkü petito' pe méshe sabe (mbimbîme) me nkùt ti me nkùt ti méé yiéka vom ngéé sèt a shi' mbe wù na. Mùn ùe i mbe ru' na, i me njañe i ña' lèt pue i meshi' gham pambù're pua ghâ-ngam, na i ndiep-she yùe i nsù ngu nkap tù njù yi mentén a tue nshir i, me ya' tù mânjé sappé pua yi ghên, pa yiéka shire shi yum ndo' lo' pùbe, a pi kwet kâm pua yùe ntùt njù na. Yésu ka rie ne tu-ñwer i mi: "Pù ma pe nkúme po nkap mansie, ña yùe mfù' pua kâm mbùbe yum, ghên mbit ntô ndap njùet yum a, na pe-nùn nkúme po nkap nku pût, ña yùe mfù' pua kâm me mbùb'i yum, ghên yié pit ntu i ndap njùet yum a." "Mengaka ña yùe nkap mu pua' na, lamntù u kù mbo ñùrùt nkéé na." (Matéo 6:19-22).

Akan pua ngu yí pùen mentén ka vùe, mengaka i ka pe ngù' lampon' pua lam moni, ngue kùndù pua pa-ma' mbôkét mbôkér'a (Yosua 7). Yuda Iscario, ngâ-yié're nga Yésu ka kùetne, mengaka nga ghù' moni ka pi yem'i, i yié ngâ-ndâm mfa mfe ndun tit'ap (lééra shi na). A ndi' moni, shi' pe lem pon mbe ngambükét, a pua' nga ghù' moni yùe a lùemshe matù lamntù mùn a. Nkam-nkam pembâ pua pemgbie tù ngu ntu nté mentén pua ngu ntuet pùenyütu mentén na mbi pe mma' fom ndâ ndâ wume shap ne yi yap pùen, ne pükét wupme yinta' mi ma ma mbùm nyí pue yap nsie nsie, me yi mfa ñwer ap me ma' piét nganga tùn shùet, nsumkét yu, ngutngure tù "concoours" nyam-pa're nganga yi pemvù. Yi ntâmshe (yi nzon) ghét nkap shi' kên (shi' lí ndi'ne) na nkuome nguon ndíne tù nsap nganga yùe mùn ño' tu-ñwer i na. Ghù' moni, ru' ka' mbo ndí yum pua ghù' gbîme ne ta' gha'. A yétne yimbe pawa sa' njù meshi' (yi ññùshe) yindète ndun shimo', nganga pawa nkap meshi' yi ntiét pambù're,

nganga pawa nga-Nyinyi yùe a ngét yam pùen nshi' mbo tonti meshi' nshòshe nda Nyinyi nshèt yíeka pe pua' meshi' Nyinyi na. A mbe pe ñêre pe nèn pi pùen nzènkér ùe pe nguon njem Yésu ne mbé na shi' pi rèt po ndun nshie mo' nda Nyinyi na (Marko 9:38). Yésu mi: "Pe-nùn ntée yùe pù mbe nyém ma a mbû, mengaka pa mùn yíe njam na, wume shi yíe lu'i po mfe ndun a." (Lukas 12:15). Yí pua' sânga kùyù' ngâ-yum; "Mo'ngâ-nkap ka pe ñùrùt, payù pua' pù pù tù nsu shi tùtùn, i nûshe tu i nshû mi: Me ndi' ghét na ne? Li' yùe me mbèt rèn payù sha yí ntùm a, a ndi'. A pua' lâre, i shû mi: A rèn mi ma yíe me lo' ghét na: m'a sètekét lû sha, kutkét shi ngutngure, pèt ngu payù sha pua ngu pasha mentén ntùm. A pe mie, n'zie ne lamntù a mi: Ntù a, pa shu yâme, njétne yùe u lo' yù me lum rèni na; gbùne ñwer u ndia', nkù mbe nshi' njù yù, nnue panue, ndùtne." Na Nyinyi rie ne ngéé mi: Kùyù! pe na ntue tûme lamntù u ne shû' yí; a lo' shi' yù wue pashua u ghét na? Yí pua' kâ, a kâ mbe ne mùn ùe i nkùme nkap ñwer i, shi' pe ngâ-yum me mgbâ yí Nyinyi na (Lukas 12:16-21). A-pe-yùe mùn mkpa' ngu njù mentén a pe yí, mvùe wume shi na, a lo' ntue ngâm i po ne kùe? (Marko 8:36). Yésu rie ne pue mi: "Pù ma pe mgbî ñwer ùn menga payù... Wume shèt payù... Mengaka shire shi ngu yum mentén, a kâ nzon ghâ-shi' yí Nyinyi na. Tita yùn yí na yua a nkâm ùn a. Na, pe-nùn mbum nzon po nga-fon Nyinyi nku, i lo' nshi' mfa yire ngu yum mentén nku' ndun... Mengaka ña yùe nkap mùn pua' na, ntù ngéé lo' nkù mbo ñùrùt nkéé na." (Lukas 12:22-23,31,34).

8. Satan, titâ ngu ghâ-ghét mbé mentén, mbit mbe titâ ngu mbé yire mentén pua' ña yí mbe ngâ-sèn (ngâ-tu') ngu ngambükét mentén. A pua' wi mbe yùe i nsa' lamntùm a. Yésu ka rie mi: "Tita yùn pua' pô Satan! pù na nzon ma' tu nga yùe a ndùm tita yùn a. I ka pe nsap lo' fom shin, i me nténî tù ngambékét, mengaka ngambékét ndi' ndun i na. I kâ mbe pe nshùet mbé yire, i nkù nzie ngam mfa pô ndun tu-ñwer i, mengaka i pua' ngâ-mbé, mbit mbe titâ mbé yire na." (Yohané 8:44). Me mbé ndem ndem ka'mbe nknéé mbe yu ña' kukù nguengùe yíe mbé ngure. Mbé pua' ñùrùt, yùe pe kâ nzie ne nshur a, yùe pe kâ ntuetè na, yùe pe

kâ ngét na. Ngâ-mbùte pua' ngâ-mbé, mengaka i njap ñwer i me Nyinyi yùe i me ngér i mbé na. Mùn Kristo mâ njétn'i mo' ghét mbé. A-pe-yùe pue mbe nzie mi pue pua' ne ndap pua' Nyinyi, mbit nnyî tù njem a, mbu pue na ngét mbé, mbu pue ntap nzie yupue pô ngambékét (1 Yohané 1:6).

Mvù, ghâ-fù ngâme, ghâ-nza', pa-nsap, ghâ-pém penyinyi ndem ndem, ne nshie ngâ-kù ngâ-mbé, nshie ngâ-ghét mbé, pe na tue pe yap nkunjù (Apocalypse 22:15). Ngâ-tùn li mùn pô ngâ-ghét mbé pua' merü sâmba tu pashua Yawé mbén na. (Nsapngam 6:19).

9. Mô-mùt na ndét memùn matù lamntù nshie mon mùnyütu. A pua' tù yî foto, mô-mùr ire (memùn ire) pe po si, pükéri, pùb'i, mo' pe mbi gbù lie, a pi shi' ngét mbükét pawa (kù) mantùm, mi memùn ire yétne yi mbi fù, i mbe tab'i, nkükâ i mâ njétn'i mo' pit nyéte ndâ ndâ i ngér a. Yire yi lü'két memùn na mbe me mo' gbùnî, mbe me mo' shu'kéri (tabî). I na mbe nkom mùn fù'ka a pe mbi pù mi i wùsh'i wùshe na, mbit ngùsh'i fù'ka a pe mbi pù mi i kom'i kom ma. "Na, Yiéne na nzie rênkéri mi, a na tue méé manjem, shimo' pùen gba' pémntùm, nshi' nkuot po nshut yiéne mfâne pua yulére Satan, meshi' ntañ, yé ghâ-lét ngam ùe pe kiém mfùt mù lem ntône me ntù shap mbe nyî mén a..." (1 Timothée 4:1-2). "Lamntù nzènkét, yùe nshie wup ndi' ntùm a." (Pahéber 10:22). Yire ñuñue pua' yé pe ka're ne mù nzi'két.

10. Li Nyinyi na njùen ngu yua a nja' ma tù lamntùm a. Nshie yum mâ njétn'i yi ndüemshe me Li shi yi lù mù; a pua' tu kâ I njùen ngu wupme nsheme mentén pua ngu nsishe lamntù mentén a. (Tù shî foto, mô-li ka' nkù mbe nguèngùe yé yùenne mùn).

11. Pe lù-mù yùe a shîne lamntùm a na ndét kône Nyinyi yùe a ghùm lamntù pükét mùn mgbùer a. A pua' pékéri mi Nyinyi kâ mbèn ngambükét, na I na nkù wupue. I na ntap nzon i wù pükét mùn. I na nzon pô yùe ngéé mbùt ntù i ngum a. Yésu ka tue wume pükét pùen (Lukas 15:10). Lâm lùte na mfa nku tù pùt meshi' ndi' pükét mùn ùe i pùt ntù

i a yíe pokéri na. Pe-lù-mù na nshùkét ne pue nkée meshi' Nshi Yésu Kristo (Mô-njút) Nyinyi yùe i nkiém mbükét pa tù njù na.” (Yohané 1:29).

12. Angél pua' me tu Shùkét Nyinyi. Nyinyi na nkù yinshùkét ne membâ pô memgbie, yùe pe kiém ñom nshin mbükér a, ñère mi pe yétne yi mbùtne nshir i, mi râne pua kône Nyinyi yétne yi nyí matù lamntù yap.

13. Pûre pua' mfù' Yiéne-Nzènkét, Yiéne ngambékét, yùe a ndét nté ngambükét, nga nténe ne nga lí sa' na. Yiéne-Nzènkét pua' ña yí mbo nku nkwen lamntù mún. I mâ njétn'i yi nshu ña yùe mbükét té nsa' wi (ndète) na. (I mâ njétn'i yi mbâre mbie pô mbükét).

A-pe-yùe fofò lamntùm ire yí mbi té ndét po nkükâ ndâ ndâ lamntu u pua' na, mbu a shi' na n'u po ndu yinkù mfù Tita. Ña' lamntù u n'l, ntâ râne Shùkét ti nyí mantùm. “Pém Yésu Kristo, ndo' ntue ngum.” Nyinyi kù mi yire tu ngam ma', I pém yi nkupshe lamntù u, fa yi mfé n'u, yùe a run ne yiéne mfé na. Mbète foto ipâ na ntue lét yire yi yua pe nzie na.

MBÈTE FOTO IPÂ

Yí mbète foto na ndét mfù' lamntùm ùe a nzon pùt yíe pokéri na, yùe a yíeshe ta' Nyinyi na. Angél shùshù' nyi, Shùkét yùe a pua' “wumkéri mbit mbe takéri na, yùe a shùe nshèt nshie nyi shùe-mgbâ-mgbâ na, a kâ nsap nyí nguon nsèntè ñuñue pô yiéne, ntôshe nguon mméeé tù yù mún pô ntueñòre nkù; a na nji wupme pua ngu yua mún mgbíshe me ntù i na.” (Pahéber 4:12). “Pe ka shòshe (lí) ne pùen nyütu mi pe pe mkpù nka imo', a pe lo' a shi' ntue ndí sa'... A pua' yire shùkét Nyinyi na nkúmshe mún mi: “Ké ngambükét pua' wù.” Pe na tue ma' pükét mún pô ngâ-li ngam matù ri'két tâm mù pua mvop nikâ.”

Angél shùshù' nguot-tu mún tù mo' mgbâ pue i. Yire yí na nkúmshe pükét mún mi: a pua' yi njíre mi ngu tu yupue mentén pua yu wù: ñwer upue yùe pue nkù tütùn a, yùe pue



2. LAMNTÙ MBÜKÉT, YÙÈ A TÉ ME TA' WUME NA

mfù ne shùe', nkù mbit nnap ne pa-ngé na, ñwer ùe pue njüre, ñere mi ngu yua a nta' na, a pe njétn'i na, ñwer ire na tue kpù, fom i gbù, a pi nue ntùt, a pe pe ñere ñuñue shupue pua yiéne shupnue yùe a ngum nkake na, a lo' ntue nténe mesù Rù lí sa' Nyinhyi.

Pue na njüen ña yí yíé pükét mún yíeshe yinju' ntum Nyinyi, mbit ña' lamntù i ne kône Nyinyi na. Yíéne Nzènkét lu' yinsènte ma tù yire lamntùm ùe mbükét ka séne na. Râne Nyinyi té na nnyî ma ndéé mbit mfit ngu njem mentén ma ntùm. Ntuet penyam shùe pe pua' metu ntuet mbükér a, pe sâ njie me yintéé. A pua' tukâ, wu ngâ-yanke lérewa yùe u pua' yu kùndû na, péme ne Yésu, wi yùe i pua' râne njù na, mi i nyi ma tù lamntù u, ñere mi a rên ne njem ùe a pua' ma ntùm a pua' fa' shi mentén, ngùengùe yíé a ndét tù yire yi foto na. Yésu ka rie mi: "M'buá' râne njù, mún ùe i nnyi njem me na, ngéé yíé pe nnyî i tù njem, i kuot râne wume." (Yohané 8:12). U pu' na, u mâ njétn'u yimfit njem a tum matù lamntù u ne yu ndâ ndâ kù, ne yu ndâ ndâ yi ngam nganga ne yi nga shimo' püen.

Fône ghét yùe ngam yañe tütùn, mbit mbe nkéé mbe yùe a tèt ngâshi na - ndâ ngambékét, ndù fône yingét njem téé, a pua' yi ntâ râne nyî, mengaka njem pua' mbükér upue na. Mùt pua' pômùt na mfa râne ne pue mbékét meyênt ne shù', fù' njem, na fù'ka li-ñom ndem ma, njem pua' ngu râne shùe a nta meyênt a vùekét. Yésu pua' "Li-ñom ngâ-sappé." Fù'kâ Tita ka nyi ma tù Tempél ma Yérusalém a, I fit ngu püen püe pe ka pe mfishe na', njüt pua' püre ma ntùm a, nnùtkét tébé ghâ-kupshe moni mgbá', nzie mi: "Nda a pua' nda lôn Nyinyi, a pua' yùe pù shi' mbùt a yíé kùem paghên a." (Matéo 21:13).

Lamntù u ka lo' ñùrùt pô Tempél Nyinyi, ndé é. I kù yi mbe nshu mantùm, nnabe, rüne ne râne shi, kône shi, sère shi. Yésu ka pi mâ ntue i po ndù meshi' fù ghérapü shupue a lí, na I ka tue meshi' yinshu' wupue pue kù pua

nsa'nga mbükét. "A-pe-yùe Mon nshu' wùn a, mbu pùe yíe ne pumme tu yùn ire." (Yohané 8:36).

MBÈTE FOTO ITÈT

Yire yi foto na ndét nkü ntu nté lamntù pükét mùn, yùe i pumme mbùt ntù i na. Nânâ i rùme nji nkwet nkwet gbìme gbìme nga-mbükét yi shùme mùn, yùe i ka pi pe ngére, Yésu pi ka kpù tù mgbòshe-tùtù po metu mbükér ire na. Fù'kâ i njùen mgbòshe-tùtù yùe shùkét Nyinyi nkùmsh'i mén a, yire yi pit ndishe nyé're lamntù i yùe a tèt mbe pùe'she shi na, ñère i pùt ntù i shùmkeri, ntashe nkwet nkwet ghérapù shi, ngu ntù i mentén pit mbe sapm'i.

Fù'ka i nsishe mâ kône Nyinyi yùe a ka lét ñwer i tù Yésu Kristo na, yire kône nnyí matù lamntù i, ñère i lu' yi nju', nji mi Yésu Kristo, Mon Nyinyi ka tue meshi' vùe mbüker i, mbama i ka pi pém yi mkpù meshi' tù "tùtù ndôn" a.

Yíe pe ka lap Yésu ne mgbèn, mbèn shùe'tu njù me tu i, mbit ntòshe mbue mi pua nkut mi ne mbun, ñère i kpù tù mgbòshe-tùtù meshi' mbükér upue na, yire yi na ndét ñwer i nkâ-mfé rènkéri, shùmkeri me mi pükét mùn ùe i mbi pùt ntù i na, a mbe pe ñère a tabe lamntù i pua wume shi. A mbe pe yíe pükét mùn ire njanke shùkét Nyinyi na, i yé-tne yi njùen ñwer i ntùm yíe i njùen tù léenemi na, ñère i nùshe tu i pokéri, njùen nkùkâ i ka pi yíe ndénsa ne Nyinyi na, ké nka isùe' yíe i kâ ntabe kèn ti na! I pùtne mbe ne pumme shùmkeri fùe-ñwet tù yíene, manjem fù'ka i sâshe lamntù i mesù Nyinyi, tù nduot-mi, mbe ngie tütùn a, Yésu ghopshe mengùn'i. Kône pua fúeshe Nyinyi na nzùne lamntù i fù'ka i mbi lu' yinzùme nji mi: "Nshi Yésu-Kristo, Mon Nyinyi sù wupue, pue rèn ne ngu mbükér upue mentén" a (1 Yohané 1:7). "Yawé pua' mengùne pùen pùe lamntù yap mbi nyé're na, ngume pùen pùe yíene shap mbu'she na." (Yuopnké 34:19). A na nshùkét tù mo' li' mi: "Yí pua' mùn ùe me lo' pe nkit mi ma ndun i na: ndun mùn ùe i njùen ngùe', yíene shi mbu'she na, ndun mùn ùe i mbùe shùkét ta na." (Yésaya 66:2). Yíene-Nzènkét na mbi pe mbééshe



3. LAMNTÙM ÛE A PÙT NJIÉ POKÉRI NA NGANGA
LAMNTU NZENKÉT

shùkét Yésu n'ì gbùn'ì nâ mi: “Mon a yi membâ, (mon a yi memgbie), lu ne fùeshe, ghérapü shu (mbükér u) vùe.” Nka kâ i njüen mgbôshe-tütü mbit njüen nshi Yésu yùe a ka kite ntùm a, mbit nbém mi yire yi ngam ka ghét po meshi' shi (ndâ ndâ tu-ñwer i) na, nêre i yu' yíe ndem ùe i ka kiém meshi'mbükér i yire na, a té ndüet nkwen i meyêt meyêt, mengaka Yésu ka pi kiém ngùe' pua ñamme shupue mentén a. I na nzüme nji mi i ka kuot mfüt pô meshi' mbükér upue, ñwer i pit nyé're meshi' ghérapü shupue, nkée Yawé ka ghét ghérapü ngu tu-yupue mentén gbù ndun i (Yésaya 53).

Ñâñâ, râne Yiéne Nzènkét run matù lamntù i yùe a pe nkusù mbe minkéri, njem pi sem ma, râne yire tâshe lamntù i ñgét a fù yíeka ngùmbù ne nshi Yésu (Yésaya 1:18). “Tu-ñwet Yiéne na mkpa' pua yiéne shupue, nkuot ntâ mi pue pua' pon Nyinyi.” (Paroma 8:16). I yi ndia' pékéri mi: “mùn ùe i pém Tita Yésu na, ngée yíe kù mvù i mo', i shi' nkuot pô wume nkake.” Mengaka a ka ghét wi ne nshi mi, pue lète ndun i, mbükér upue vùe, pue wum, mbéere gha'két pùntù i yùe Nyinyi ka ghét fu' shi shôr upue na... (Paéfésó 1:7). Nga ngùe'she njap-ñwet yi mbükét tâ li'té ndia'-shí ne ri'két ghù' yimbe ngum meshi' Nyinyi pua yimbe mfa' fa' pue i, “wi yùe i ka pum nkù wupue na.” Yùe mùn î mbit mbe nkù po njù pua yu njù na, i na nshi' nkù Nyinyi ñâñâ pua yu Nyinyi.

A pua' tù yire yi foto, penyam shùe pe kâshe wap me ndù tu mbükér a, pe shia' mbe pô nku nkwen lamntù mùn î; pa nêre Satan mâ nku i yindo' ntâ kukum li'shu i, i na nkù mbit nzéé manjem, mbe ngupme yùe i mbit nnyî mantùm mo' nkée na. Yí pua' tu kâ Tita Yésu ntù ne pue menga la' sâlie pua lôn Nyinyi, nêre meshi' yi nshinne pua Satan mi i lo' mengùn'upue (nguan a sâ na).

MBETE FOTO IKPA

Yí foto na ndét mfù' mùn-Kristo yùe i ka fonte ndâ lala fùeshe pua shu-ne-tu mbéere siéne Nyinyi Tita yupue ngâ-yingum'upue, Yésu Kristo na. Ngâ yire mùn-Kristo ntap mbit

Pagalatia 2:20

Paroma 6:11



4

4. LAMNTU MÙN ÒE PE KA KUMSHE I PO YÉSU NA

nshé é ñwer i meshi' mo' yu ndun i, i na nkù nshâ ñwer i po meshi' ndu mgbôshe-tùtù Tita yupue Yésu Kristo yùe pe ka lèt ndun i nkumshe njù ntùm meshi' shi, mbit nkumshe i ntùm meshi' njù na. (Pagalatia 6:14).

Yésu ka kpù tù mgbôshe-tùtù, ñêre mi pue lèt ndun i njétne yi mkpù tù mbükét, mbit ngum meshi' ngambékét (1 Pétro 2:24); mùm-Kristo yùe pe ka kumsh'i meshi'njù na (Pagalatia 5:16) na ndí ne pue mi: pue pe nyi po me ngé Yiéne, shi' pit mbe ngét nga yùe njap ñwet ngù' na. (Pagalatia 5:25) nzie yi mi: "A-pe-yùe a mbi té ngét Yiéne pue ngum ma, pue pe na nyi me ngé Yiéne yire."

Tù yire yi foto, pue na njùen nki-ndap (tùtù nsie) yùe pe ka pe suote Yésu pe kur i ntùm a. Tù yire tuom-ndap, pue yé-
tne yi mbit njùen mgbèn ùe pe ka yùb i mén yíé pa're mfét mbén a, mengaka "nsue sa' yùe a mfa fúeshe ne pue na, ka gbù ndun i na." "I ka yùen ngùe' meshi' mbükér upue." "Hérodé pua pa-njem i ka shùe'shi'i, manjem pe pua' lab i ne tùtù njù, pe ma' monpu' pèt nkwen i, a ka pe yíé pe pa' mvét ne njù na, pe pèn me tu i" fù'ka a pe mbi pù mi pe pèn pô mvét lem poñ me tu i na, Pe sue ntam mbuet me mgbâ pue i yilum, a yù tu nkumbâ fonfon (nkumba ngu), pe to'she ntu-nku'she map mesù shi, mbe nkue'sh'i, nzie mi: "Pü sha'sh'u, kù mfon Payuda"! Pe tù ntintie ndun i, mfiéshe ntam mbuet me pue i ndab i me tu i. Pe ka pe shùe'she í tùtùn, pe wuon n'i pe kumsh'i.

A yam ma pùen-Kristo yùe pe mbém ndù li na, pe na ndôn Nyinyi tù Ndanyinyi, mbie' Nzîmbue Tita, njuop yuopnke pùen-Kristo, na mbe pe ñêre, pe nkumshe ngâ-yingume wap mo'nkéé me ngu fù' mentén ne lékét nkùtnga shap! "A tap ntue nyi ngu pùen mentén ùe pe nzie ne me mi: Tita, Tita na, tù nga-fon nku tù pùt, a na kù tue nyí ndu mùm ùe i ngét nga yùe Tita yù nku tù pùt nzon na." (Matéo 7:21-27).

Tù yire yi ngùengùe foto, pue na njùen pa-moni Yuda Iscariot yùe i ka lâm Tita Yésu, mfi ne tètngom mon i, mengaka nga

ru' moni (nga ghù' mbùm) ka pi sem lamntù i, mbit nséne yiéne shi na. Tètmû pua shan... pua' yùe pa sônjam ùe pe ka vé Yésu ne shù' na, pe ka pe mén a. Pe ka pie' "dé" yùe pue njùen na ntam piét mén ne mômpu' shi yinsa, nêre a tâne tù nga rie nga-fomnjù Nyinyi mi: "Pe ka ghapshe pama' shi, ntam piét ne mômpu' shi yinsa." (Yuopnké 22:19). Pe ka pe suote Yésu mentén, pe (gbé'é) yin'i mbe nzie mi: "Pû mâ nkû yû mi yî mûn sa wû!"

Ngu pùen mentén na nzon yi mbe nkuot rayé lo' pue Nyinyi, mbù ne ñom, na pe ntap nkû yap yimgbù ndî nkùe pawa Nyinyi. Yâmi pua' ñùrùt yùe pe nkùmshe Nyinyi po ne ngap-njù nshu'ne pua fù' shétngam a.

Pa-sônjam sap nsâ mi ne mâkû shap, pin nsie "nké tum ntùm pua nshi." Nkùe' ka pe pe nshi' nkù, Pétro pi tét ntashe Yésu nka itèt mesù menguon-memgbie; na a pua' lâre, i rûme nji nga yùe i ka ghét na, mbùt ntù i ne yi ngié tùtùn (mi mi kuo'két). Pû mbém Yésu ne shùkét tùn pua nkùtnga shùn e? Nganga ké pù nzét tu meshi' shi mesù pùen e? "Yî pua' tu kâ mûn ùe i pém a me mi pùen a, n'do' ntue mbém i nka-me me mi Tita yû i pua' nku tù pûr a, na mûn ùe i tashe a me mi pùen a, n'do' ntue ntash'i nka-me me mi Tita yû yùe i pua' nku tù pûr a." (Matéo 10:32-33).

Yésu na nzie nkéé mi: "Mûn ùe ngéé mâ mbi'i mgbôsheitùtù shi mbéte a na, mbu ngéé mâ njét'n'i ndun me." (Matéo 10:38). Rayé pùen pùe pe nténe ndun Lèn ùe a pua' Yésu Kristo na."

Kristo pua' lèn a yi nkunku
Pefa ntù a yié rén i
Nké yié mfüt, mba' nké yié nkù na,
U pu' i yié lùkéri.
Ngâ-yinkuor a, ngâ-yingumea
Ngâ-yintùe'sh'ua me pue ngam,
Ngâ-fùeshe lamntùà tù ngùe'sha
A pua' Kristo ngâ-shu' njù.

MBETE FOTO ITÈN

Yí pua' lamntù pükét mùn, yùe pe ka sù a rèn, ngéé wum, mbéere pùntùm pua ghùe nzén Nyinyi yùe a pua' shi' ndùri na; me ngambékét, yire yi lamntùm yié nda Nyinyi, li' shu Nyinyi Tâta, Mon ne Yiéenzènkét, mbéere nsume Tita Yésu Kristo: "A pe nkù mùn wa, mbu ngéé na pe ngumshe ne shükét ta, Tita yù nkù i, pün'i kpa' ntue nshit ngéé, ngét li'shu yù tù ntù i." (Yohané 14:23). Nyinyi na nja' ndun Yésu Kristo, nto'she, nsâ ntintie mbit njîre mùn.

Yire yi lamntùm pua' ñâñâ mbe nda Nyinyi. Pe fit mbükét ntùm: penyam shùe Satan titâ mbé pe nsa' na, pue na nshi' njùen pô Yiéna Nzènkét, Yiéne ngambékét ma ntùm. Lamntm ùe a ka pe pô li'shu yab a, a yié na nshin tûtù ngùe'she, mbe njem mbâ yiéne yié: kône, lùmntùm, fùeshe, fa-ñwet mansie, gbùne, pùntùm, suentùm, vé-ntùm, mimshe, yù nkùe' ne shimo' nkùt ngam rèni, yùe a ndùm Nyinyi mbit ndùm pùen a. I pua' ñâñâ mbe mômpue pumme nshin tûtù, Tita yupue Yésu Kristo, yire yi mômpue tûtù njem mbâ shi.

Nsheme yire mbâ-tûtù njamkét pua' mi: i shu na ndun Kristo, Kristo pua kên ti shu ndun ngéé (Yohané 15:1-10). Mbama i ka run ne Yiéne nzènkét, mbi ka pit nkuot Yiéne nzènkér ire na, i pua' ne kù yi mma' ntôn njap pua yu ghù'shi, mbit mbe ne kù kumshe kum memùn. I shi' wum'i pô meshi' ndù yinjùene, yinju' pua yimbam ne pue i, na i na nshi' ngum mbéere pô pémntùm, mengaka pémntùm tù Yésu Kristo pua' tòn pir ùe a ma' ntôn njù na. I na ngum tù ndâ lala ré-tu mânjé yùe a pit mbe wumkéri na, yua a nsue kù shi na, a pe ré-tu mânje shèt pit yi pùtgne Tita yupue Yésu Kristo. I na ngum tù kône Nyinyi, mbit ngum mbéere yire kône yùe ndùri me ntùn'i na.

"Rayé pùen pùe ntù shap nzèn na, mengaka pe na pe njùen Nyinyi na." (Matéo 5:8). Mfon David ka pi yi mi pit ngure na ma' matù ndâ ndâ lamntù i, shi' sishe ngu nkap mi mentén pua ngu tòn pir i mentén ndun ghâ-kùpèn pi nku nkwen njù: a pua' yùe i ka nùshe tu i, nji yí yu mantùm ùe a mbe

Papalata 5:22-23



5. NDA-NYINYI

ndi' pue i na, ndon Nyinyi ñâ mi: "Wu! Nyinyi! Puom lamntù nzènkét natù ntù a, féere yiéne nténe me ntù a." (Yuopnké 51:12). Nshie mún me pue mâ njétn'i yi nzâne ndâ ndâ lamntù i, shi' pit njétne puom lamntù nzènkét matù wi. A ka' ndi yùe mún mbùt ntù i pokéri mesù Nyinyi, ngùengùe yié David ka ghét na, mbe mbishe ne Nyinyi mi i fa lamntù mfé n'i, ké ngâ yire yi ngam njétne yingére. Nyinyi (kù) ron yi ngét yire yi yu mfé ndun pùn. A ndi' yimbe mbète ñâ'ña' shùe' yùe a yié ramshî na, ne yùn ndâ ndâ ngambékét, pém ngam shi' a ntâne ñêre mbe yùe pefa a ghét pù shùshù' lamntù yùn me njétne li'shu Nyinyi, Wi yùe i mbishe pô ndù yi ngâm ùn, mengaka i ka pém gbíme ngam ne pùn, nzie mi: "M'a lo' kite nké nzènkét ndun pùn, pù rèn; m'a lo' ghét ñwer ùn rèn ne ngu min pua ngu penyinyi shùn yinkuome mentén. N'do' ntue mfa Imantù mfé ne pùn, nsue Yiéne mfé me ntùshùn; m'a tue tûme ntù wue tù njap ñwer ùn, fa ntù njap ne pùn. M'a lo' sue yiéne sha me ntù shùn, ghét mi pù pe nnyí tù nga yùe n'dí na, pe ndine ntùbe sha, ngét ñêre." (Ezékiel 36:25-27). Yí pua' ntôshe kên mfé yùe Nyinyi ka shù' shitam ntùm pô ne Nshi Mon i Yésu Kristo na.

Tù yire yi foto, pue na njùen nkée yié angél pit ntum nténe na. Mbe shi' tue, pa angél pua' ñùrùt mi pe pe mfa'fa pue pùen pùe pe ndo' tue kuot wume nkake na, pe pi ka pit ndí ne pue mi pe pe nshu mengù pùen pùe pe mbûe Nyinyi na (Yuopnké 34:8; 91:11-12; Daniel 6:22; Matéo 5:13; Fa'-ghântum 5:19; 12:7-10).


Pe na mbit nkù njùen Satan nkée tù yire yi foto. I téne na mengù lamntùm pô yié i nnyé' yùe fône tô, i pit mbùtne pùtne matù kum li'shu i na. Yí pua' tu kâ "apôtre" nsue kù shupue menga la' sâlie pua lôn Nyinyi na, mengaka: "Satan ngâ-kùpèn ùn téna njôt yiéka gbayi nshùekét, mbe nta' mún ùe i mví nkwer i na." (1 Pétro 5:8). A na nkuome mbe ngu fù' mentén, i njemshe ñwer i mbùt njie angél râne, mbe mfùte ghâ-pém Nyinyi yùe pe pua' shi' pémntùm nkùkét menga ghù' yu tù njù yi na, i pua' wumsh'i nkükâ i yétne yimfùte mbù pumme ghâ-pémntùm merü pèn nsho' na. Mbe shi' tue, a-pe-yùe pue mbe njíne Satan a, i ntée wupue

(Yakobo 4:7).

MBÈTE FOTO INTÛ

Yî pua' foto sepme yi ngâ-siét (ngâ tashe nga-Nyinyi pùen Kristo). Mo' mgbâ li shi kamshe, mengaka i lu' lie tù wume shi yi pùen Kristo na, fù'ka mo' mgbé té njüenne tonti, nkikét nshîn'i, mbe nzon yùen lapa' njù na. Râne yi mantùm yié si, mbe shi' tue matù lamntù i, nkwet rî mbe-mi yùe a pe ñùrùt meshi' yinjüen ngùe pò Kristo na, mâ mbit mbù i yùenn'i. Nga mkpa'ne ghùm i mgbüet, yùe i gbù ntùm fù'ka a pe mbi pù mi i yine yine na. Fù'ka a pe mbi pù mi i yu' ngé Nyinyi, na, ñâñâ i viéshe yi mbète tâmshe yu râne pua yi péngam ùe ngâ-mfâne pua' mèn a. A yétne yimbe i mbit nkù nguon wuon ma nda Nyinyi, mbe ndüem nga ru' njù shi tù njem mompu' nga Nyinyi, na kône Nyinyi pi fùe ma tù lamntù i. Yiéne shi ghpashe ñwer i me ntuet ntuet wupme rëni. I lu' yi mbe nnyî ra' po njù, mbe nzie kâ i nkù Nyinyi ngu fù' mentén matù lamntù i na; mômüt memùn mantùm yié fomkéri. I ntap mbit nkiém i mgbôshe tütù shi ne sèt-ñwet (ri 'ñwet), a yié ndem nzétkét n'i, i pi mâ mbit nkù i mo' yire yum. Pémntù i yié me yingwetne, i tünne yinzâere pò Nyinyi tù yindôn i, mgbù tù kù ntùm pua fùre me nkükâ lamntù i pua' na; i na ntâ fône meyèt ne ngâ-mfâne yùe i té nyé', nsüen ngopshe mengù lamntù i na. I na nshi' ngù' yi nyî po pua pa mfe njù nshèt räre fit pua ndâ pumme ghâ-pém Nyinyi.

Yiéne mesî ntâm shét, yùe a ndét nga siépshe ñwer a, na nta' mânjé yi mbit nyî matù yire lamntùm. Yire yi mün-Kristo lâne mi i ka wum pò meshi' ghùe'nzén, i pit na njie mün-Kristo ngâ-siépshe ñwet. Nga vümnzu' na nkumshe nshut ndéé, mbe nta' pé yi nyî mantùm. Yire yi ngam na nkuome njiéshe pò me fùeri, pue fa mfù'i tù fù'ka mün ire mbe tù ntu sun sun ghâ-yù kù sap tù mo' nkwet ña yùe i rét tu nganga mbùe mi pe na ka fù i ne mün ndem ndem, puotkét mün (lùep) nganga "ngâ-nsiér a". Nêre Satan tâshe me tüt ti mi: yire ndi nka ngam tap ndo' ñâm i shi yi yiéne. Wupme pua ngùe'she njap ñwet kpa' ndù ñwer ap ndia'shî. A yétne yi



6. LAMNTÙM ÒE NGA MKPA'NE NYI NTÙM, A YIE
NDUN NDUN ME PE GHAPSHI NA

mbe mi i yu'she ghét ntâme kpa'tu (tuet ghùe) nsie nsie, yi ngon tũ nda pin, tũ li' lũmntũm ña yũe pũen mbe nkuome mbe na, ñere mũn tã ñwer i ngã-kũpèn vu' tu i mbe nzie mi: a pua' kã nũ pũenyũtu pua' na, ñere "yingét ngambũkét ndĩ nkéé ndi' mo' pũ ghét ngambũkét."

A pua' pékéri mi pue mã njétne yupue yingét ngam li shi sue meyũe pesĩ mbũkét mfe yĩekuop ké pi tũ nsum e, pua wupme mbũkét (minkét) mbe ntèt nku me tu yupue na, na pue yétne yũe pe nkom'upue na, meyũe pue mbém mi pe (yap) shu ndun pue, mbit ntã mi pe nyĩ nda' ma' matũ lamntũ shupue meshi' yinkét pũkét ngétne nga shab a. A-pe-yũe pue mfa ndĩne mòm̄pue ne Satan a, i yie pũ i shi' vé sha' pue mentén, ñere mbe ndiépshe nsũ ñwet pũ yie ne mfa matũ li' mũ nkake. Yĩ pua' tu kã Nyinyi nsue kũ shupue me ñom ne yimbe ntéé nga ngũe'she nja-mũn pua shi' pe nkam pua mbũkét, ké tũ yina nkũ ntu nté yũe i ndét ñwer i mén ne pue na. A pũ na yintéé ngon nshit Yésu, ngã-shu' pũen, ngã-tõn pit.

Mũn ùe pũ njũen i i nsap lamntũm ne menyĩ tũ yĩ foto na, i na ndét mfũ' ghã-shũe'she nga Kristo pua ghã-kũpèn yire ngam. Pe na mbie' ndum nshur ap yi nshũe'she pua lũm shap yi ndãm mbe nsap lamntũ pũen Kristo mén nsueshe mfũt. Mbe shi' tue, ntũm ùe a mbi yie ghap ghab a, a mã njétn'i yingume tũ yire nkũ nsap yi ngũmsh'i. Ngã yire ntuet mũn Kristo na mbũe pũen nshèt yie i mbũe Nyinyi na. Pũe meshi'mi: "Pe lo' rie mekũe meshi' yire yi ngam e?" ne kã pũen ndo' ghét na, a yem i (pũr i) me mkpèn pũen, i yie ndénsa ne Nyinyi. Fopshe tũet po shũe na njũenne fũ' ngũe' pua fũ' tabe-tu, nta' li' ya' ne kũ nyĩ matũ yire lamntũm. Gbĩme ñue kũghũe' na ntum yi pũ fũ'ka shimo' mbũkét mbi shu ndõne ñwerab a nganga fũ'ka pe mbi kũ nshèr upue na, i liépshe ne rãne, njũne wupue shi' pue nji, meyũe pue mbi tã me pé, nji' nshut ndap ntã ne kũghũe' po siépshe ñwer a.

A pua' yañ'ĩ ne yi ntã nga ghu' nkap nyi matũ lamntũ shupue meyũe pue mbi mã ngumshe yupue ne ntũbe Tita

Yésu fù'ka i nzie mi: “La'-nùn sâlie mbe ngûshe Nyinyi, mi pù ma gbù tù mkpa'ne na” (Mateó 26:41); (1 Pakorinto 10:12) na nzie ne pue mi: “A pua' yire, mùn ùe i nzie i té na tù-tù na, i wumshe na mi i ma pit mgbù.” Gbîékét-nùn papit Nyinyi ndun pùn mentén, ñêre mi pù yétne yi nshèt ntañ Satan.” (Paéfésó 6:11-18).

MBETE FOTO ISÂMBA

Yí foto na ndét mbe lamntùm ùe a nnyí mbùtne njem njem a. Yire yi mùn ka pi nyí tù râne, mbe yu'she pûnga Nyinyi, i ghét ghap Yiéne Nzènkét, manjem i kôshe ntâ mânjé mbókét ñùrùt. Yire yi foto na mbit ndét pò nkù mbe nshie mùn ùe i ka pi mâ me mbùr i ntù i mo' ndí liénjù na, ngange yùe i mâ ntéé ñwer i nsabe ne Nyinyi, pa yiéka ngambékét Ntum-Lùte “Pòkét pesa'kùe”, pe ka pi rie n'í, i pit nju' nsheme shi na... Mùn ùe i mkpèn ne lamntù i fù'ka Nyinyi ghapshe mengùn'í na, ngéé na ndo' kù ruop tù mbükét, paká i pit mbe ma'si' wu' kupshe, mbu ghâme yire ma'si' yíe ndí na.

Yésu ne tu-ñwer i ka pi ma'she mfù' ntu nté mùn ùe i mbit nyí yi mbùtne njem njem a tù Lukas 11:24-26: “Yiéne mbükét ka pe tum me ntù mo' mùn, i wuon mbe nta' lí' fúeshe ñwet tù kwet. I ka pe pe shi' yùen, i mi: m'a pit pùtne a yùe n'ka yíe ntum a peyu.”

I ka pe pùtne, i yùen nda yire, pe pi tâshe, mbit nap. I pit ngonon mfù shimo' sâmba yiéne mbükét, yùe nga shap pù nshèt yi na, pua pue kpa' ntue nyí me ntù mùn ire, nkù nshi' nshu ntùm, ngétne nga mùn ire pù ndia' nshèt yíe a pe nkusù na. (2 Pétro 2:22): Yire ngam ghét na wap po yíe nsapngam nzie a mbé mi: “Memvù pit mbùtne njù yua i pe mbi ka na; kùpu' yùe pe pe mbi sù i na, i pit ntam ñwer i tù tituop.”

Shí pe komshe lí' Lérewa Nzènkét na ndét nsheme ntu nté lamntù mùn ùe i nnyí yi mbùtne njem njem a rènkéri, nganga yi pükét mùn ùe i mâ mbùr i ntù i na. Mbükét pua ngu pawa shi mentén pit mbùtne nyí nshu mantùm, ñêre meshi'



7

7. LAMNTÙ MKPÈNKÉR ÛE A MBIT MBÛTNE NJEM NJEM A

yimbe nsa' yire lamntùm. Mbù mi mùn ire yí yem mo'nkù yùenne yùe a kù njùne nküká lamntù i pua' na. A pua' yi ndí mi Yiéne nzènkét, yire yi gbùne pùre tum tù yire yi lamntùm, mbama mbükét po Yiéne nzènkét mâ njétne yap yi nda' ndí ndab a (yi nshu tù ndí lí' na). Lamntùm mâ njét'ní yi mbe nda Nyinyi mbit mbe kùem Satan. Angél yùe pe kâsh'i me shükét Nyinyi na, i pit nguon i nkéé ne sapme, mbe mbit nki manjem meyùe mùn ire mbe lo' pùt ntù i ngüengüe yíe mon mvùekér a. (Lukas 15:16-18): "I mbe njùen payù kùpu', lôr i mbu'she ne yi njù, vom shi wu' nzun, na mùn yíe féé n'í." A ka pe lo' i küt ne ntù i njem njem, nzie mi: ghâ-kut pa tita yù pua' rèni, payù najm nshèr ap, me mkpù ya njie ña yí! M'a lo' wuo shit tita yù, rie n'í mi: Tâta, n'ka pi ghét a pù ne pùt, mbit ngét n'u nko o; m'a njétne a yùe u mbit mfú a ne mon u na. Tita yire ka pe yùen mi mon i pùt ntù i, i fù gherapù shi, njab i tù fu'.

Tù foto shupue yire yí, ndâ pùtntùm mbékét ndi' mo', mùn ire yi mâ njem i ñwer i pékér i mbumme Nyinyi, i ntap nzon i nga lâne mbükér i me nkut Yésu. A pua' ñère pe ka tôte memùn i mantùm ne lem ùe a mbi ri' mbâ na, a nù lié (mma mi sét). Mùn ire pua' ne ntùt mi ñùrùt, na ntap nju'í mo' ngé Yésu. I pua' ne pèt mbâ-mi mi, na i mâ njét'ní yin-jùen tâm mù shi' jùen yíeshi yùe a té mâ yingure yire ñâ mi me nkut mi na. I ntap mbit ngér i rét tu ne yimbe ñù' tù ngambükét. Satan na nshi' nsa' wi lamntù i. I shu na mantùm yíe mfon tù rù fon tí. Mo' pe mùn ire pi pit ngét mo'nkù fùtkét wume, mbe mfééne mùn Nyinyi nku me mi mi, yire yùe gbù sie yùe pe mbi ka yo' ne mbùem, a mfééne yimbökét nkunjù, na "mantùm pi run ne nkù nkünsie pua ngu nkù pa minkét mentén a." (Matéo 23:27).

Titâ mbé shia' mbie' wi lí'té Yiéne nzènkét ñâñâ. Nshi me-nyam nshie tu mbükét pua' ne ngâ-yinshâr i yùe a pua' mo' Satan ùe i kù mbe ñùrùt meshi' yire tu mbükér a, yiéne mbükét, pue yire yùe pe sem lamntù mùn ñâñâ na. Pa yíéká i nzon yùe i nshu' ñwer i me mbue ghâ-pi ñam i na, mo' mânjé ndí', pe ka' nkù nshühü'í po tù shañ. "Mùn ùe i gbù kén Mosé na, mbu ngéé yétne yí mkpù, shi' pe ngüe'

nzén mi, meyùe shùkét pèt pùen nganga tèt pùen ntum mbe nguengùe mfa ndun nga yùe i ghét na. Pù ndo' ngupme mi pe mâ njétn'i sue ri'két sa' ndun mùn ùe i mbi ka ñùshe Mon Nyinyi ne nkut mi, mfû shî kên ùe a ka ghét i rên a ne yu ndem, mbit nshùe'she Yiéne-ghùe'nzén a?" (Pahéber 10:28-29; 2 Pétro 2:1-14).


A-pe-yùe yí foto mbi yùne pua nté lamntù u na, kù nsun a yùe u pua' yu kùndù ne me na, u kù ne Nyinyi shi' shîne, ne ngu lamntù u mentén. Ré, i yétne, mbit pit nkù yi ndâne ngu mbükér u mentén, meyùe u ntue nshir i tù yiéne pùt ntù nzènkér a.

Yâ nshir i mgùengùe yié ngâ nkîne yùe i ka tue nshit Yésu, nzie n'i mi: "A kù mbém wu, u yétne yétne yingét ñwer a rên" a (Marko 1:40-41). Na a-pe-yùe u nku'she pô yi mkpèn ne ne lamntù u na, a-pe-yùe u nkù pô njem nshèt râne na, mbu nga ré-tu mânjé ndi', ghâme pe ndi', mengaka u sho' na yu pô wù fù'ka a pe mbi pù mi u sho' pô wume na - mengaka ké ngambükét pua' wù na (Paroma 6:23).

MBÈTE FOTO IFÂME

Pue na jùen ña yí yié wù ghopshe mengù mùn ùe i nnyí mbit mbùtne manjem a po pükét mùn; pèt tu yab yùe pe nkù mfa ka' ngu fù' mentén menga pùt ntù yab a. A-pe-yùe ñwer ap mbi run ne ngùe' na, mbu ñuñue yap run ne pùe wù yùe a té ntue na. Lùlùre wù pua' ñâñâ me tu kùn i. Lùmntù mfùte yhimbükét kpa' mvî i, i na nshi' mbumme pô gbîme méé (tue) ké ngambükét. Ngùe mù méé ndun i, i yèn mi pefa i yié pit njétn'i yi nzâre po Nyinyi. Pa yiéka i nzon yùe i mbe ndôn Nyinyi ñâñâ na, i yùen mi i mâ mbit njétn'i yi nnyi tù râne po Nyinyi, yire Nyinyi yùe i ka pe nyént'i (ntân'i) lo' sákét fù' na. Kum kum sun pi na nshi' mbùe tù tu kùn i, ramkét shùkét tap yi sue-kù mâ mbit njétn'i yingâm i ne mo' yum.

Nkap mi yùe mo' pe i ka fu' pô ne nkube na mâ njétn'i yingét wume shi pit nsâ, shi' pit njétn'e yinguma ñuñue i, shi' pit



8. NDINE PÜKÉT MÙN

njétné yi mbûore kue mâ wù n'í. I yùen mi a pua' ghapkéri ne yùe i ntâne po Nyinyi na, mengaka Satan nèn'í na.

Ngu yua i pi ngù' nkusù na, ngu yua i pe ngum meshi' shi na (i pe ngum mbéere na), yire ngu yum mentén tash'í ñâñâ, mbù pa “ngâ-shî njùt tí” yùe i pua' mùn-pé me ngub a mâ mbit mjétn'í yingâm'í ñâñâ. I lu' yi nji ndia' mi “a pua' pükét yum meyùe mùn nshùm me mbue Nyinyi gumkér a.” (Pahéber 10:31).

I ka pi wupme wupme yùe i mbe ne ndap pô Nyinyi mo' liénjù na, mo' pe tù kun wù shi, na ñâñâ i yùen mi fù' ya'. Nkam nkam mùn na mkpù wù mvome, shi' yétné yi nta' Nyinyi tù kun wù shap. A pua' pokéri ne yi nta' Nyinyi fù'ka pe yétné yinkwet'í na. Tù foto shupue yire yí, pükét mùn í yùe i té mkpù, mbi ka gba' ghùe'nzén pua kône Nyinyi fù' wume shi na, i ntap mbit nju'í shùkét Nyinyi yi sue nshi' mbit mbe yi wume, na i na nshi' nju' ngé ngâ-lí sa' shi fù'ka a pe mbi pù mi i yu' po ngé ngâ-yingum'í na, a nzie n'í mi: “Lo'-nùn mengùne a kù ghâ-ndon tí! Lu-nùn matù lí' mù nkake yùe pe ka ghét njap ne Satan pua pa angél shi na.” (Matéo 25:41). “Pe ka lí ne pùen mi pe na pe ntue mkpù nka imo' nku, ké nga lí sa' mbe mbe.” (Pahéber 9:27).

MBETE FOTO IVÜ'

Yí foto na ndét mfù' mùn-Kristo yùe i mma' ntôn tù mù mkpa'ne na. A mbe pe yùe pe kpa'n'í lo' tù ngu tu manjé mentén a, i téne kpènkéri, mbit memshe mméé me ndíní, mbém ngâ-shèt pit mbéere Yésu Kristo. “I na nshumme Yésu mfon pémntùm mbit mbe ngâ-ma' tu í” (Pahéber 12:1-2), a na mbe pe ñère, i gba' ngu ndâm pua mbukér ùe a lâm i yañe i yire ñère na, mbe ntéé ndùere ne suentùm tù fa' yùe nshur i pua' n'í mbe ngùere na.

Satan pua ngu nshut piri mentén ghùm lamntù ngâ-pém Nyinyi mgbüet, mbe nzon yingét mon Nyinyi fup mânjé nténe, mbe yua pefa a yíé ghér i na. Siépshe-ñwet, nga ghú' nkap, yiéne mbükét yi kùfúke pua shimo' tu tu mbükét, pe kpa'

nkâshe mfù'i ntùm.

Mkpén shia' mbie' wi li'té ngùe, mengaka a na nkuome mbe, mbükét njemshe ñwer i mbie'két mfù' ndun ndun, mbi lùemshe nshin mômpu' ngure, ngange mbe ne mo' li ndun i na.

Mbe shi' tue, ri'két mùn-Kristo na mbe ntôn mbükét meyùe a mbi lùemshe mbù nshin mompu' nga Nyinyi na, nganga yùe a mbi shi' mbie' po mfù' angél râne na, mengaka shükét Nyinyi po Yiéne Nzènkét na nshâr'i tù ngu ngambékét mentén a. Tù yire yi ngùengùe foto, pù na njùen mo' mùn ùe i pe pe mbin pin i, i pi shùshù'mekùp nzu' me pue i, meshi' shùme mùn Kristo yùe i sue me mfù mkpa'ne na, mùn ire ngét mi lùmntùm njù yí pe ndù're me mi mi. Mbe shi' tue, yire yi mâ njétn'i lükét nshie yum ndun mùn Kristo yùe pe ka pètt'i tù yiéne, i pi ka kpù mbékét po Kristo tù mbükét po njù na. Mo' mùn téna nsap lamntù ngâpùe Nyinyi ne menyí. A pua' ngùengùe yíé ndâm, nga tashe nga Kristo, pé-mengup, nshùe'she pua shükét kùpir ùe ghâ-kùpèn Nyinyi nkit na, pire pùen ùe pe nkuome mbo yíé ghâ-pém Nyinyi na, mbe nsap Imantù pékét ngâ-pém Nyinyi ne yire yi ngu yum mentén a. A na mbe pe ñère, i nkùmshe shükét Yésu: "Rayé shùn fù'ka pùen ndo' pe mgbunte wùn, mbír ùn, ntunte nkù ngambükét me li shùn menga sha na. Lùtne-nùn, mbe nsère, mbéere kâ ké shùn pua' yingure nku tù pùr a...." (Matéo 5:11-12).

Mbükét, njap-ñwet, a pua' ña mi: "**Memùn upue**" mantùm, a na ngét ngu yua a yétne yingét na meshi' yimfiéshe mùn Kristo tù kône Nyinyi. A na mbe pe ñère pue yétne yinzie pua "apôtre", tù lùmntùm pua suentùm nsabe mi: "Pefa a lo' mfiéshe wue wupue tù kône Kristo? Ké a ngùe', ké ñamme, ké kùpèn e, ké njie, ké nyí ntamme, ké ngam ngam e, ké nshùe-nyí...? na tù ngu shire shi yum mentén, pue na nshèt shiere shi ngu ngam mentén shi' yí, mbéere mùn ùe i ka kù wupue na." (Paroma 8:35-37). A mbe yùe ngâ-pém Nyinyi ma' ngu papit Nyinyi mentén nkwen i na, i yétne yi nténe tù-tù ne liénjù mbükét, mbit nshèt ngu nga mkpa'ne mentén.

Pue nka-pue, pue yétne yimbe ghâ-tôn pit, mbéere Kristo yùe i nzâne wupue na. Mômùt yire yi lamntùm pua' rènkéri mbit mbe lù'ri. Lamntù yire yi ngâ-pém Nyinyi run nkite n pémntùm pua Yiéne Nzènkér ùe a nshu ntùm a. Angél Nyinyi yùe i té nku tù-tú me tu i na, "shùkét" na nkùmsh'i ne yu kùndû yùe pe ka pém ne pùen pùe pe ma' ntôn, mbe mimshe ngu i mentén nguon méé me ndîni na... "Mùn ùe i ma' ntôn a, m'fa mbâ-tùtù wume n'i yú, yùe a pua' tù nka' Paradisi Nyinyi na. Mùn ùe i ma' ntôn a, ngéé yié pit ntue njùen i ngùe' mbète wù. Mùn ùe i ma' ntôn a, m'fa mana ndùeme ne ngéé, mbit mfa mōwue fū, pe pî tuete mo' li mfé ntùm... Mùn ùe i ma' ntôn, ngùtne ne shùkét ta nguon méé me ndîni na, m'fa kù ne ngéé.

Mùn ùe i ma' ntôn, ngùtne ne nkùtnga sha nguon méé me ndîni na, n'gét i ghét kù ndun patù njù. Mùn ùe i ma' ntôn a, pe tue ma' pa fūfū ndun i, me yié tue mvüre a li ngéé tù lérewa wume, n'do' ntue mfù'she li shi mesù Tita yū pua sù pa angél shi. Mùn ùe i ma' ntôn a, n'gét ngéé me tuom Tempél Nyinyi, i pi m̄ mbit ntue ntum i ñùrùt... Mùn ùe i ma' ntôn a, n'gét pū ngéé pèete rù fon ta." (Apocalypse 2:7b, 17b, 26; 3:5,12,21).

Pa-moni yùe nshur i pua' ngùere na na ndét mi m̀n-Kristo yire yî pî pe mfa moni shi ne Nyinyi. Yùe i pe lo' mvu'vu' ne pashi yî tù ndun nsie na, i na mbie' ngam pambù're mén, ngapshe pashu ire me mbu'shi ghom, mfa ndî mbu'i me yusiéne, ngu i mentén meshi' gbîme Nyinyi.

Sû pèn pua mô-nsha na ndét mi m̀n ire na ngum wume rène, ntap njù i nja' ndùt. I ntap min'i ñwer i ne nue panue nkùkét nkùkét, ne yù nshi penyam, shi' nshie payù minkét nja' nshur i. I ntap mbùb î mbùm mi (i ntap mvu'i ne mbùm mi), shi' mine ñwer i yùe a pua' Tempél Nyinyi na me pe nkwet ndapa' nganga yimbe nséé; i ntap njù i ndù, shi' yù fu shùe a mbo yié li' na, na i na mbi pe nkù njù me shâshe payù ngamkét. Ndâ ndâ lamntù i yié nda lôn Nyinyi: I na mbi pe nguon tù nda Nyinyi yap ngu fù' i mentén shi' kwen, pakâ a njíe mbo ne yina fù' na, ké yùe a ngét yikùe ngam

a. I na ngù' lôn Nyinyi tù ndap, nganga tù puomshe ngùet mùn, nganga tù li'si, mengaka i yi na mi mùn Kristo mâ njétn'ì yimbe ngume shi' râre po Nyinyi tù yindôn i na.

Nda-lérewa yùe pe ña na, a pua' lérewa nzènkét, yùe i mbi pe njanke mbit njié're ngu liénjù mentén, mfonte yi-ngam pua kù, wume, râne pua nkab ùe ma'shi ndi' na ntùm a. Lérewa nzènkét yié tètâmù li' shî kur i, mbit mbe nyi yùe i ma' pit mén po ngâkùpèn i na. A pua' n'ì mbe kùndû, mengaka a pua' payù menshû'nshû' yi yiéne meshi' lamntù i, nké wume yùe a mgbùne ntù i fù'ka a mbi yum ma, nsa'nsie ña yùe i yétne sù ñwer i na, léénemi yùe i njùen mi mi ntùm a.

I na ngù' yimbe nkiém mgbôshe tûtù, mengaka i yi na mi mo' nshie shùe'tu fon-fon ndi' mbe yùe mgbôshe tûtù ndi' ntùm a. Mbama i yi mi i ka pi yiem po Kristo tù wume mfé na, i na nshi' nzon yu nku tù pût, yu nkake, yua pe me njùen i ne li na. I fù'she ñwer i meshi' yintâne po Nyinyi, i pua' ngüengüe yié nshin tûtù yùe pe mbi ka pî i po me nkop nké na, yùe i njem mbâ-shi ngüengüe yié mompue ndâ lala tûtù, mbit njem mbâ shi tûtùn a. Yire yi mùn mâ njî i pûe wù, mbama kône Nyinyi yi mbékét ka run me ntù i, mbéere runkét Yiéne Nzènkér a.

MBETE FOTO GHOM

Yésu ka rie mi: “M'bu'a' yiéme, mbe wume. Mùn ùe i pém a na, mbu ngéé yié mkpù kpù, i kù ngum wume. Mùn pe mum mbe mbém a, ngéé yié kpù i mo' ngon ne sù.” (Yohané 11:25-26). “Mùn ùe i nju' shùkét ta, mbit mbém mùn mùn ùe i ka shéshe a na, ngéé kuot wume nkake, shi' pe mbit ndî sa' shi, na ngéé ya' tù wù nshi' nyî tù wume.” (Yohané 5:24). Wù na ntap mbit nsue i pûe ndun mùn Kristo, shi' sue lùep. “Fù'ka ñwet mvuetkét lo' tue ma' ñwet shi' vùe, ñwet mkpùkét pit ma' ñwet ngumkér a, shùkér ùe pe ka tuete na, a tâne, mi: Wù gbù pit!” Wù, yu shèt pir u ya? Wù, njù shu ya? Na, njù wù pua' mbükét, kù mbukét kên. Na, ayùe ne Nyinyi yùe i ka fa yu shèt pit ne pue njem Tita yupue Yésu Kristo na.” (1 Pakorinto 15:54-57).



10. YÂ NNYÍ TÙ GBÍME NGÂ-YINGUME U

Mùn ùe i kâ nyî po Nyinyi na, yùe i ka wum pôn'i na, i ntap mbit mbûe i wù.

Fu'ka ñom i méé na, ngéé wuon i ne fûeshe, ngùengùe yié “apôtre” Paulo nzie na, mi: “Me na nzon yi nguon pe nshua pû Kristo, yire yi pû nshèt.” (Pafilipi 1:23).

Mùn Kristo pua' ne njie yinjùen Yésu mbum mbum; i ron yùe i ngu' njùen mùn ùe i mkpù me tu i tù mgbôshe tùtù meshi' yi ngume i na, a shèt. Yiéne Nzènkét na mbit nkùmshe i mo'nkéé ne shùkét Yésu, nzie mi: “Ntù yùn ma lùkére, pémmùn Nyinyi, mbit mbém a nka-me. Li'shu pua' tù nda tita yù rèni, a pe mbe ndi' ñêre mbu me râne mi mùn. N'guon na fù'she li' yap ne pùn. M'a pe wuone mbe fù'she li' yap ne pùn, m'bit mbùtne ntue mbie' wùn ndia'shî, mi ña yùe me ndo' pe na, pù pe ñùrùt nka-pùn.” (Yohané 14:1-4).

“...A pua' yua li ntap njùen i, shi' tùt mbit nju' na. A na ntap nnyî tù ntù mùn. Na Nyinyi ka fù'she pô ne pùen nkù i na.” (1 Pakorinto 2:9).

Tù ngu ntuet shùkét mentén, mo' nshie shùkét pû ngé ndi' meshi' yinsâ gbîme la' nku pût, yùe pe ka fù'she meshi' pùen pùe pe nnyî tù mbin-nkut Tita Yésu Kristo tù ndun nsie na.

Ña yùe kùfùke (sara' nkù) yùe té na (wù), tù yî ndîne foto, pue na nshi' njùen angél ngâ-nshéshe Nyinyi tù yire li'. I na mbiep yi mbùtne nshâre pùkét mùn ùe i yié ngâ-shi' wub a ne Nyinyi. Pe tunte nkùt ñwet mkpùkét ndun ñuñue po yiéne, pe yié ne fri, mvü ndüre ndia' wuo shit mùn ùe lamntù pùkét mùn ire ka kù i, i pi ka pe ngum mbéér'i, yùe i kpù mbe mbéér'i na. Nyinyi tân'i pokéri ne shùkét pe nzé-nkut yi tit'ap, Léera shi, mi: “A pû pòkét pékét nshíndap. Yié u pé tù meli' yum a, m'a yab u tù yum rèni; yâ nyî tù sère Tit'èn!” (Matéo 25:21). Satan mâ mbit ngér i kù (pawa) ndun ngéé. “Mengaka wù pùen nzènkét pua' yu kùndù” na (Yuopnké 116:15). “N'ju', ngé mùn tum nku tù pût, nshü ne me mi: Tuete mi: Rayé pùen pùe pe mkpù lo' ndia'shî, me mbue Tita na! O!

Yiéne rie na mi: pe na gbùne ñwet tù paghére shap, ngétne mbue map pète wap.” (Apocalypse 14:13).

Wu yùe u té njanke yí me nda-lérewa yùe pe mfû ne “Léénemi Lamntùm” a, a pû na mi Nyinyi ghâm u ne yi mfa lamntù u ne mûn ùe i nkû u na, mengaka ne yí fù’, i téna mengùn’u, mbe nsho’o, i na nshùkét n’u, nzie mi: “Mon a yi membâ, (mon a yi mengbie), fa lamntù u ne me.” (Nsapngam 23:26). “Fa ntù u yùe a kèn na ne Yésu, ntù u yùe pe ka fùte na, ntù u yùe a té njùen ngùe’ na, i na shi’ fa pô ntù mfé pua yiéne mfé n’u. Ma pém mi ndâ lamntù u yi mfùte yemme wupme shu ne pe nshi’ ngét yua u ngù’ na, mengaka: “Mùn ùe i nsue ntù i ndun ndâ ndâ lamntù i na, i pua’ kùyù’ na, na mûn ùe i nyí tù yi-ngam a, ngéé na tue wume.” (Nsapngam 28:26). Gba’ ghérapù shu, nzèt ndun ngambékét, “mengaka ké ngambükét pua’ wù, na yu pûnga Nyinyi pe wume nkake tù Yésu Kristo Tita yupue na.” (Paroma 6:23).

Wu yùe u ka sue wume shu me pue Nyinyi na, pam yua u ka kuot mbéere pémntùm pô kône na (a pû) kpènkéri, yùe a pua’ tù Yésu Kristo na, metu yí nga yùe apôtre Paulo mbém tù mbéte léta shi ne 2 Timotéo 1:12 na, mi: “...mengaka n’ji na mûn ùe n’ka pém i na, mbit nji pékéri mi i ghét kù yingumshe ne ndùem ma nguon méé tù yire mâ liénjù na.”

Kut ñwer u mbéere pémntù nzènkét, téne tù kône Nyinyi mbe nshumme Yésu, ndum mânjé, mbe ngambékét, mbit mbe wume, wi Tita yupue yùe a shi’ meyêt i pùtne me mbuop yí pùen a - “Mfon shèt fon-fon, Tita nshèt pa-tita.”

“Na, mûn ùe i yétne yi nshî wùn mi pù ma gbù, mbit njétne yingét mi pù lo’ ntue ntum mbe rirèn-nké, ne lùmntùm, nté mesù gbîme shi na, wi ndí nkùe Nyinyi, ngâ-yingume wupue, mbi lèt ndun Yésu Kristo, Tita yupue na, gbîme, gha’ ne kù po pawa, a pe yi ne sù, ñâñâ pua ngu pilum pilum mentén! Amen!” (Yuda 24,25).

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)